

安岳縣志卷十二

武事志 下

宋劉澤仕後周爲兵馬鈐轄後藝祖定天下授關南巡檢使世其官以武藝精絕時人號爲劉硬弓馮如愚贈詩曰地靈人傑誰稱首文屬君華武硬弓

明孔伯玉永康鄉人以勦賊功試成都百戶

高崇剛折桂鄉人應幼軍試京衛百戶

程宣字以陵衛軍校嘉靖初以材力選充禁衛

國朝梅應芳節鄒紹觀梅公傳公諱應芳前明崇禎時從

安岳縣志

卷十二

武事下

戎以征賊有功授平寇總兵官得軍民心紀律嚴明宵小絕跡朝野有聲鼎革時奉雙親隱居岳陽竇家溝日侍庭幃閭閻不倦不復與聞人閒事順治十六年巫山小李劉二虎十三家等反賊爲梗蜀道不通遣將征之數年弗克大臣交薦公公不出數以禮徵賜衣帽盔甲馬匹等弗獲已出授重夔鎮設方略破諸寨勦絕渠魁川東北道悉平復授總兵官左都督仍畱故鎮十餘年不他徙也至今瞿唐灩澦瀕閭舟人往往指公征戰處猶能道其遺蹟康熙戊午公年七十餘

以壽終葬於岳之東二十里牛王寺竇家溝子孫因家焉

章桂芳字仲立安岳人明崇禎時從戎授千總以征西粵有功升遊擊復以征楚平播功升總兵守湖南辰州加沿勦將軍人畏之號曰黑神順治十八年投誠屯鎮遵義永安莊康熙初年致仕

楊太字文衡號華軒幼有大志長而從戎官至遊擊署理總兵事守川北鎮歷著功勳以疾致仕歸盡出貲囊分助桑梓有疏太傅之風至今鄉人德之子六仲

安岳縣志

卷十二

武事下

二

舉武魁餘皆庠士

王允吉國朝彭端淑滿江王公傳公諱允吉號滿江蜀安岳人也先世未有聞人至公始顯少從戎嘗爲某制軍齎摺日夜行六百里不倦制軍喜之拔督標把總未幾再拔千總會制軍觀兵較場傳令箭道首尾設矢的各一列綵架於中衢暗置鶉鴿瓦罐中懸其上命將卒初矢次鎗次復矢軍中無當意者序至公公攬轡而上一矢破的馬縱不能止已越綵架數武公回身舉鎗碎其罐鶉鴿羣飛一軍齊喝公倚鎗復

從容發矢矢畢以報制軍制軍曰真將材也旋擢瀘定橋守備時蠻人爲亂抄劫商賈道路不行公申其狀於制軍遣提督唐某領兵勦之命公爲前鋒公初與蠻人戰失利唐將斬之同官守備李琳者以其家十數口保公曰王某驍將也將軍令再戰不克琳願與俱戮唐限三日破賊飭曰若失機持汝頭來當是時蠻人旣勝橫據大岡纍木石於上堅不可破公潛命熟蠻探其形勢回報曰大岡三面險峻獨後面稍平悉深箐公曰吾知所以破賊矣於是揀營中健卒

安岳縣志

卷十二

武事下

三

五百人餉以牛酒令其醉飽約曰吾與公輩願生平願死乎衆曰何謂也公曰三日能破賊則生不能破賊則死衆曰惟公是命於是括諸營羊數百頭以火縛角上夜半令老弱軍卒驅至大岡下用巨礮飛擊礮以征鼓示欲上狀蠻人猝驚不悟其誘也羣譁曰官兵至矣盡木石下墜公潛與五百人間行從深箐中攀藤附葛而上排刃突擊火其巢蠻大亂爭竄不及凡斬首千餘級生擒數百人報至唐驚曰遂能破大岡耶列戰功第一提督唐惡蠻人輕叛欲示以威

設營郊外縛所擒蠻衆數十人跪列左右命公斬之
公立刃數十人而色不變觀者咸欽其勇蠻平擢督
標遊擊再遷參將數年升秩洞庭湖副將又數年升
秩川北鎮總兵會西藏之變制軍年請命岳公鍾琪
將兵公副之藏中素聞公名曰是昔年能取大岡者
公至藏營伍整肅刁斗森嚴一夜賊窺營營驚公下
令靜鎮毋噪賊旋遁因問司夜爲誰或以公子某應
公命斬之於是營中諸將卒齊赴轅門請免公曰軍
令如山不可移若徇吾子何以服衆遂斬之軍中股
慄無敢犯者是役也制軍區畫得宜自成都去西藏
近萬里不勞一民不煩一卒而糧餉充足故公輩得
從容破敵二年西藏平

上召見授鑾儀衛正使而公年亦已邁矣未幾以老辭歸
上不拂其意深慰勞之賞賜逾常家居數年始卒卒之日
年七十餘歲贊曰公與余家爲世戚余未獲親炙公
余弟磬泉爲余言壯貌雄偉絕人舉止嚴肅不可犯
一飯斗米一飲百杯談往事亶亶不倦蓋古名將未
有過者嗚呼西藏之平公有奇勳爲當事者所忌反

見黜李廣不侯可勝慨歎

譚拱占官貴州遵義府守府由黔遷蜀年百三歲曾受國恩養恤

賜額松年人瑞竝許建坊孫庠生三人監生一人

譚仁榮幼負奇氣倜儻不羣未冠遊泮雍正六年督憲選入壯士送部

引見授勇健營把總雍正十一年隨征巴爾庫爾努力邊塞三年乾隆元年奏凱敘績准發回各省就近補用以親老力辭歸養授武德將軍

安岳縣志

卷十二

武事下

五

蔡瓊玫字佩玉號赤城中康熙甲子武舉雍正甲辰成進士以

御前侍衛授湖北黃州協中軍都司升湖北鎮筸鎮右營旋調中軍遊擊再調南昌中軍遊擊升湖廣提督中軍參將湖北施協副將所任之處紀律嚴明得軍士心人以名將方焉

隱逸志

堯舜在上尚有巢父許由野之不能無遺賢者勢也安岳地多石骨使皆鳧泛鷗浮絕無高飛遠舉之倫輕富貴而重廉隅泉石亦覺無色故詳考而竝志之以見出處原一致云

宋趙慶昇邑人飄然有山林之志紹興辛未創室於淨慧

巖畔以居巖故唐乾中僧舍也白麟爲之銘

見古蹟金石

明黃承先邑人怡然性中飄然世外鑽研經史授教多賢有漢陳太邱之風

安岳縣志

卷十二

隱逸

六

陶沂邑人性穎異博通經史一舉不第卽以明經隱居終身

李常字恆吉累困棘闈晚由貢分教莊浪衛學訓課不倦始終以清苦自持士人化之致仕居家邑有流寇之擾鄉人皆觀其動止以爲安危其見信於人若此楊寅邑人治春秋學博才雄恬隱城南八十里孝友著聞督學旌之曰儒林逸士

李廷輔邑人治春秋豪邁不羈大志不遂退隱教子蒙吉成名由選貢歷官知州

蔡聯芳邑人少穎異志在遠到歷試不遂浩然退隱以詩文自娛

喻義邑人性敏學博爲文高邁奇特嘗手書十三經授子弟誦讀好蒔花種竹結詩酒社人爭慕之遂以韋布終身

湯勤德邑人學博才豪無志功名不羈小檢長於詩詞喜游覽山川名勝到處多題詠

于采邑人少年英俊早以文名補弟子員著有圓覺銘屢試未遂大志而卒

安岳縣志

卷十二

隱逸

七

楊襄舊通志字希皋安岳人清修博洽嘗作詩曰莫道儒冠解悞人時窮時達總吾身山中田地寬如許樵笠漁蓑都是春遂隱居瑞雲山四十餘年日與邑之後進講求理學雖老不倦所作瑞雲集數萬言一日盡焚之曰毋以是沽名

奈榮邑人自幼至老天性肫誠不樂仕進屢徵之輒避入山中督學給匾獎之

陳魯邑人學行兼優喜爲詩有王孟風常閉戶著書督學聞其名欲召致一見終不可得乃給匾表其門優

獎之

李廷達邑人品潔懷芳詩文豪邁設教普南一時從遊者望風雲集以曲成後學造就人才爲己任毫無希祿之心卒年八十門人悉爲之心喪

國朝湯誼字于宣本姓黃幼孤習醫二十餘年無書不讀全活甚多不較錙銖尤樂爲善日以功過自檢逢人規勸最力兼工吟咏歷任邑侯皆器重之常旌其閭人稱隱君子焉

王宗文字榮貴忠厚篤實咸稱長者邑令朱紉蘭旌其

安岳縣志

卷十二

隱逸

八

閻曰言坊行表年八十卒鄉人私易其名曰正康先生子應鵬舉人元城知縣

行誼志

安岳之俗有無相通憂患相恤自昔已然原不失爲忠厚
其有因年歲之凶荒覩人事之潦倒往往以一念之善推
衣解食傾一己之囊而不辭此又非在巨富之家也半出
於稍可自給之人焉其地氣之所鍾使然歟抑亦人情之
多變如斯夫勿謂行誼之輕財易易也

宋馮澥宋史本傳字長源普州安岳人登進士第歷官入
朝以言事再謫靖康元年爲左諫議大夫金人圍太
原朝廷命李綱宣撫兩河澥奏罷之金人要割三鎮

安岳縣志

卷十二

行誼

九

高宗自康邸出使除澥知樞密院事充副使不果行
尋除尙書左丞金人犯闕詔宗室郡王爲報謝使澥
與曹輔以樞密爲副畱金營三日歸詔暫權門下侍
郎欽宗詣金營澥扈從張邦昌僭位與澥有舊取之
歸以澥康邸舊臣命爲奉迎使爲總領迎駕儀物使
建炎初除資政殿學士知潼川府言者論澥嘗汚僞
命奪職已而復官紹興三年以資政殿學士致仕卒
澥爲文師蘇軾論西事與蔡京忤郡人張庭堅以言
事斥象州死妻子流離澥力賑其家及入諫省奏官

其一子然議論主熙豐紹聖而排鄒浩李綱楊時君子少之

明張公璉邑人字玉夫仗義輕財嘗拾一金釵立求其人還之歲荒族人有迫於徵斂者捐金代輸鄉人有貸而不能償者卽焚其券一日遇故人之女行乞於市收撫而嫁之卒之日臨哭者如市

楊鼎邑人字子亨豪俠好施宏治元年饑鼎入穀千石於官賑之知縣程春震聞事於上旌其門

張公輅邑人字從質居近城平生不入公府嘉靖七年

安岳縣志

卷十二

行誼

十

饑輅出穀千七百石以貸窮民官爲給券八年又饑遂持其券還官所著有耕雲集

國朝譚景峴邑武孝廉端方修偉性骯爽能濟人之急時邑令簞簋不飭眾共苦之以其名列首鳴冤於大憲大憲竝黜之景峴曰吾爲梓里復何憾及沒父老子弟無不流涕

封蔭志

家生一孝子祖父被其休國得一忠臣子孫食其福封蔭之典所由隆也安岳代有偉人志其官志其績封蔭之流傳絕少不惟無以慰父兄勸子弟亦大非

朝廷殊恩下逮之至意故特即其可考者臚列於左以表龍章寵錫之榮作忠教孝之心亦昭焉

宋景思忠

以父秦蔭累官西京左藏庫使為遂州駐泊都監死清并夷之難

景思諡

以父秦蔭為秦州判官

明王勝福

以子縉紳封文林郎御史

安岳縣志

卷十二 封蔭

羅克恭

以子悅封道州衛經歷

孫嘉聞

以子茂封主客郎中

楊大義

以子冕封奉直大夫知州

徐浩

以子珪封奉訓大夫刑部郎中

堯從道

以子卿封承德郎太僕寺中丞

胡宏

以子倫封承德郎刑部主事

湯煥新

以子佐封承德郎主事

彭大用

以子蘭封文林郎兵馬

湯紹恩

以任紹興府建三江閘封寧江伯

國朝梅應芳 誥授武顯將軍

章桂芳 以總兵加封沿勦將軍

楊太 以川北鎮致仕誥授昭勇將軍妻封淑人

王允吉 以左都督致仕誥授榮祿大夫妻封夫人

鄒瑄 以子翀翼任蒲城縣升元任大治縣贈文林郎妻封孺人

周嗣胡 以子于仁任澎湖別駕贈承德郎妻封安人

蔡憲祖 以孫瓊致施南府副將封武功大夫妻封夫人

譚仁榮 誥授武德將軍

鄒調元 遵義訓導封修職郎妻封孺人

安岳縣志

卷十二 封蔭

三

蔡朝紳 以子瓊致施南府副將封武功大夫妻封夫人

蔡朝縉 以孫薰任灤州地封奉直大夫妻封安人

蔡瓊琇 以子薰任灤州封奉直大夫妻封安人又以孫齊明任十府糧道封中憲大夫妻封恭人

蔡蓋 以子齊明任十府糧道封中憲大夫妻封恭人

蔡馨仙 南安縣典史封登仕郎

蔡齊明 以任江安糧道誥授中憲大夫妻封恭人

周羣鷗 以子文席任宜都縣封文林郎妻封孺人

王成佐 禮縣典史封登仕郎

劉先覺 以子維旒仁壽教諭地封修職郎妻封孺人

啗天孚 以子開發任仁化縣封文林郎妻封孺人

廖開琇 以孫運發吏部主事封承德郎妻封宐人

廖文舉 以子運發吏部主事封承德郎妻封宐人

王 備 以孫應鵠任元城縣封文林郎妻封孺人

王宗文 以孫炳瀛翰林院編修前封贈儒林郎妻封安人又晉封奉直大夫妻封宐人

王應鵠 以子炳瀛翰林院編修兼武英殿纂修國史館協修前封承德郎晉封奉直大夫又晉封奉政大夫妻封宐人

王岱昕 以胞弟炳瀛翰林院編修兼武英殿纂修國史館協修封奉政大夫妻封宐人

彭仁耀 以外孫王炳瀛翰林院編修封奉直大夫妻封宐人

安岳縣志

卷十二 封蔭

譚廷猷 以孫言藹江南道監察御史轉掌雲南道監察御史前封承德郎晉封朝議大夫妻封恭人

譚 紳 以子言藹江南道監察御史轉掌雲南道監察御史前封承德郎晉封朝議大夫妻封恭人

譚 纓 以胞姪言藹江南道監察御史轉掌雲南道封奉政大夫妻封宐人

譚言藹 以江南道監察御史轉掌雲南道授朝議大夫妻封恭人

譚欽心 以胞弟言藻鄴都縣訓導封修職郎妻封孺人

譚 纁 以胞姪言藻營山縣訓導封修職郎妻封孺人

夏景謨 以子雲峯珙縣訓導封修職郎妻封孺人

周 崇 以子召南授國子監學錄封修職郎妻封孺人

鄒 梗 以孫紹觀任廣東文昌縣封贈文林郎妻封孺人

鄒長祚

以子紹觀任廣東文昌縣封文林郎妻封孺人

鄒長濬

以翰林院典簿銜封修職郎妻封孺人

王名魁

以子廷廣任合州教職封修職郎妻封孺人

邱維新

以子開來任資州教職封修職郎妻封孺人

李勝寬

以父昌遐殉節西疆襲恩騎尉

附

蔣永言

嘉慶丁卯以耆老賜副榜癸酉賜舉人

安岳縣志

卷十二

封蔭

十四

流寓志

天地一大寓境也古今一大寓時也人生其閒土著者誰也流寓者又誰也雖然有久寓之而不啻駒隙者也有暫寓之而不啻膠漆者也是能與大寓相終始者也即安得以偶寓忘之也流寓所由必書也

唐杜甫字子美襄陽人以工部謫官於蜀居梓州歷下邑講學於普之南樓見古蹟工部樓

李洞舊志字才江諸王之孫居雍州以明經稱後避朱泚之亂入蜀居普州大雲山鑿石為洞讀易其中嘗

安岳縣志

卷十二

流寓

五

師事賈島鑄像事之有詩一卷賈島集句圖舊俱訛作句讀

一卷行世洞鑄像事島亦見宋周密齊東野語又五代孫晟常畫像事島按通志蘇

絳賈島墓誌賈卒於普州在武宗會昌癸亥歲洞嘗

師島則其入蜀非避朱泚亂泚之反在德宗建中去

會昌六十餘年矣此沿方輿勝覽之誤全唐詩云洞

昭宗時不第遊蜀卒

彭敬先元費著氏族譜彭敬先以左拾遺隨僖宗入蜀

家於普州敬先孫濟民攜二子由普徙益長子生福

次子生乘乘於宋仁宗朝為翰林學士見名宦

鄧元明氏族譜居梓中江以富名其後子孫之散居者
成都瀘嘉廣安懷安普夔

楊氏宋黃庭堅楊恕墓誌銘公遠祖某唐末見中原亂
甚將數子官於蜀因求便利田宅居之一人家於普
州一人家於梓州一人家於資州三族皆以衣冠傳
其舊業

宋多岳天彭人蜀孟昶遣使徵之不就潛入普寓居鐵峯
教授生徒門下多知名士及卒弟子牟袞等卽葬之
鐵峯後立祠於山巔祀之今圯

安岳縣志

卷十二

流寓

六

郭奕南宋書張浚本傳爲宣撫司幹辦公事張浚之集
五路兵將也違王彥曲端之言必欲大舉幕客有諛
言兵馬一集可一掃金人盡者奕應聲曰不知如何
掃用帚掃耶一座皆驚浚亦默然有以孔明諛浚者
此非含譏也孔明應變將略非其所長是以似之浚
收殘兵保蜀奕爲口號曰秦山未盡蜀山來日照關
門兩扇開刺史莫嫌迎候遠相公新送陝西回後奕
棄官歸普州賣餅爲生終其身舊志郭奕不知何許
人初爲宣司幹官紹興元年張浚自陝西歸過漫天

坡奕誦曰大漫天是小漫天小漫天是大漫天只因
大小漫天後遂使生靈入四川三朝北盟會編建炎
四年張浚以陝西五路軍於富平為婁宿所襲不戰
而潰川陝宣撫幹官郭奕為詩云婁宿大王傳語張
老謝得送到糧草豈稱不畱一件怎生見得多少

誤入
隱逸

元鄭思毅南昌人寓普州當路薦之遂攝學事

舊志誤
載唐代

晏道昇江西人少通經術延祐初寓普掘地得古雁塔

遂率同寓盧興祖芟草萊勅文廟士類感之按舊志

安岳縣志

卷十二

流寓

七

無流寓遂增鍊丹辟穀數語入之仙釋未知何據然
其修潼川志仍載晏於流寓二書出一人而自相舛
互如此

明鄒簡臣樂至人德行文章為時推重崇禎壬午以易魁
蜀榜闖獻之亂起義兵得十萬餘人恢復順慶十餘
城閣部王應熊奏其功授邛州知州轉戰瀘簡間屢
以績陞按察司副使尋授右通政使贊蜀王軍務破
孫可望兵於交水嗣與晉王李定國權相馬吉翔議
不合必欲害之乃變姓名削髮披緇避禍祿豐尖石

寺明鼎革平西王鎮滇欲薦用之不可還蜀中丞李國英以禮候起居亦不樂寓洪雅教授花溪學者稱易齋先生事詳宿士敏傳併一統及省志康熙己酉率三子瑄還樂至指示祖塋命守之暫寓安岳遊道林寺寺僧橫眉夢其師蠶骨授以聯云天車地軸托起三世諸佛向遊戲國中大作佛事未有偶囑曰自有能偶之者次日簡臣至不構而成曰西意東來喚醒一切凡人從圓明性上了悟人間爲書之且跋其事邑侯徐觀海訪古蹟見之曰此韻事書法逼真十

安岳縣志

卷十二

流寓

六

四

七帖命寺僧寶焉今猶存

國朝韓紹字雪門不知其里居慕子長爲人有徧覽名山大川之概嘉慶閒流寓於普被褐而談邑紳鄒楠周元位王應鵠等俱折節下之未幾別去眾以金贖紹出境悉與道菊貧者旋復來致書於鵠云王粲登樓之日淚滿青衫班超出塞之年愁生白髮又云挹元亮之孤芳黃花秋菊親子京之雅範紅杏春風其先與鄒楠留別詩云愁心屢折金城柳望眼頻穿玉壘雲後位等至都物色之不可得

仙佛志

天下豈有神仙山中何多佛子求仙佛於吾心之外者皆妄也仙卽吾心之炯然不昧者也佛卽吾心之皦然不滓者也朝遊三山暮宿五嶽我心一動機而已四大本空五蘊非有我心一靜象而已人自分之則曰仙佛非人我自合之能曰仙佛非我哉吾邑道明蠶骨講人非其信而可徵者歟

明劉昭字道明初名照舊茗山鄉人出家居天慶觀終日默坐歷二十年遂知識緯名聞遠邇永樂閒以星史

安岳縣志

卷十二

仙佛

五

之占召入京時值六月使之祈雪昭築壇三日城內大雪有中宦家亡金以問昭昭誦久旱逢甘雨四句以對識者測曰此必有名四喜者盜之也詰其人果得之上厚遣而歸卒年九十有九其他靈異甚多時人皆稱爲劉神仙云

大通本姓胡邑人幼卽夙慧性不苟葷事親極孝母病沒廬墓三年旋卽入菩提寺爲僧樂至黎堯勳嘗贈以詩云見說高僧慧有聲禪心妙極孝心誠吮棺涇滲須臾斂廬墓枯楊次第生綠樹如如春自在白巖

的的月空明揚芬欲借觀風使早達楓宸下詔旌

無際名了悟自號蠶骨俗姓莫邑折桂鄉人幼居大竹
黑巖山勤苦修行久之若有所得乃師慧僧古拙又
師善知識無念遂得釋氏之要為時名僧既而卓錫
於道林寺四十餘年時著神異鄉人翕然信向四方
之僧來宗之正統閒召入京敕為禪師居隆興二寺
登壇說戒觀者如堵卒時端坐說偈而逝賜祭給傳
還葬塔藏於木門寺著有蠶骨集語錄一卷前賢楊
光祿名湯太守紹恩前邑令徐觀海俱有碑記詳見

安岳縣志

卷十二

仙佛

三

寺觀志讀其蠶骨集發語諸篇及應神光等所請可
以知悟空禪師之所詣矣

通志誤載入綏定府作大竹縣人

無際塔院序

明禮部尚書

胡

澐

昆陵

勅賜萬壽禪寺戒壇新成壇主道孚以四川安岳縣無
際禪師精通內典見性明心道譽播聞遐邇堪為後學
規模朝廷准奏驛召至京俾為宗師升壇說戒允協輿
情從之者如歸市誠足以見名實相符其在西蜀闡道
之時人咸稱為大善知識故西方禪衲聞風趨向雖隔
數千里之外不憚山川險阻必往造參請求其印證剖

決疑團究竟生死無際則隨其高下淺深相機開發聆其警欬者如甘露灑心頓覺清涼如良藥療病遽忘沈痼莫不歡欣踴躍以爲得證三乘而超三界矣其徒清貧等錄其平昔誨人之語彙萃成帙工部左侍郎周忱恂如序其卷端板行於世真釋門之巨擘其誘人爲善卽所以陰翊皇度也奈世緣旣盡示寂西歸訃聞於上爲之悼惜遣人賜祭仍給官船令其徒清貧等十五人護龕回蜀安葬蓋其得達摩之正傳續諸佛之慧命令捨妄歸真寂滅常樂大有光於法社也故余爲讚歎而

安岳縣志

卷十二

仙佛

三

序之

道林無際禪師語錄記

明工部尙書

周

忱廬陵

道林錄者無際悟禪師之語錄也師之爲學接臨濟單傳之旨而超詣乎廣大圓融之域似可無事乎語言文字之末矣是編所錄蓋記其平日工夫次第之詳與其所以開示迷誤而直指心源之要法也師本西蜀安岳名家子天資明朗性善夙成自幼卽超然有棄俗之志年二十辭親出家於定遠之羅圍寺師事本真和尚聞本真言幽谷和尚乃善知識師卽毅然曰彼可爲善知

識我獨不可爲乎於是躡蹻出遊徧歷蜀中名利參禮諸大尊宿以求究竟且聞古拙俊公唱道於繁昌遂命扁舟不遠數千里徑造繁昌古拙一見大加器重提唱吻合欣然祝曰汝平實地上人也擔負大事吾將屬望焉宜善自護持師心領神會卽日辭歸韜晦於安岳山中者四十餘年緇素向往法會莫盛焉由是隱然名動西南列郡去年秋朝廷欲開戒壇於北京之萬壽寺以師耆德老成宜爲宗師禮部奉旨遣使者馳驛詣西蜀召師旣至恩賚甚盛宗門賴之而增榮焉嗟乎古之人

安岳縣志

卷十二

仙佛

三

所以能具大慧充大量者必在於得其師資否則安能溥其聞見而高其踐履哉若無際師之超脫凡近良由古拙俊公爲模範也觀於是編可見矣余自永樂間已聞師之名欲相與締方外交而未果茲因信官吳大海將以是編鋟梓以傳屬余爲序之如左後之學上乘者欲求臨濟之正卽觀於此亦以知其授受之源委矣正統賜祭無際宗師了悟曰爾早遊空門堅持戒律比膺召命擢爲宗師方振法音化人爲善溘然圓寂良可悼嗟特茲遣祭尙克歆承

偈輓 西天佛子大國師班丹札

宗師生於蜀地參禪坐斷祖機說法洞明佛智昨朝忽
爾訃音聞衲子悲哀猿鶴唳噴死生關捩已掀翻光明
藏裏何拘繫

清貧姓楊秦中典史志之子壯始爲僧師無際住廣利
寺殿宇皆其恢拓繪事入神品時人重之鮮有得其
片紙者

國朝南翁康熙閒自楚南來住邑之道林寺或居大足寶
鼎寺堅持戒律克繼無際宗風遠近僧翕然尊信精

安岳縣志

卷十二

仙佛

三

易理能詩詞刊有南翁語錄行世工草書逼真懷素
至今寶其書者以爲能禦火災云

慈量號玉泉喻氏子幼多病削髮於國清寺神姿秀異
早能徹悟談空說法了了無礙遠宗無際衣鉢之傳
振起法門與其師弟慈鑑多年積累分任重修道林
國清等寺院有功象教閒喜爲詩工書法守令多與
唱和戒律精嚴時人重之其歸山詩云住持竭力已
多年退息魚山倚石眠滿地落花風自掃獨焚龍腦
奉金仙

慈鑑南川王氏子乾隆閒削髮訪邑國清寺覺慧和尚
賢往師之繼居道林寺淨身學道克登彼岸大爲釋
門所宗仰嘉慶五年春賊匪竄境道林寺後樹木叢
密藏匿遠近男女不下數千鑑住寺待賊婉言於賊
曰環寺者皆我山主也最信善懇封刃賊信之俱獲
安堵丁卯夏圓寂被保全之男女遠近聞之無不奉
香泣弔塔藏獅山下王應鵠題其碣曰獅山梵福今
滋大蠶骨宗風不式微

雪皓邑附郭鄉楊氏子童貞入道住國清道林二寺嫻

安岳縣志

卷十二

仙佛

三

吟咏邑中名士皆與爲物外交刻有末務箴詩集其
題國清寺長隄映月詩云醵金鑿石砌長隄勢欲汪
洋特障之欣有波光常映月惜無竇老慣催詩花臨
水岸斜依好竹擁橋亭倒挂奇上下空明同一色清
虛涵處總相宜

